

ЖАҢАЛЫҚТАР

Uzbekistan Airways авиаотын тапшылығына байланысты Ресейге рейстерінің бір бөлігін қысқартады

13 маусым 2026 жыл, 16:54



Uzbekistan Airways Ресеймен арадағы кейбір бағыт бойынша рейстер қысқаратынын хабарлады. Компания өкілдері мұны авиация отынның тапшылығы және қымбаттығымен түсіндірді.

Нақты қай бағыт бойынша рейстер қысқаратынын әуе компаниясы әзірге айтпады. Дегенмен қысқаратын рейске билет алған жолаушыларға билеттерді қайта тегін брондауға болатынын немесе айыппұлсыз билет құны қайтарылатынын мәлімдеді.

Жергілікті БАҚ-тың жазуынша, өзгерістер Мәскеу мен Санкт-Петербург арасындағы жекелеген рейстерге де қатысты.

Әуе компаниясының баспасөз қызметінің хабарлауынша, өзгерістер тек жекелеген рейстерді қамтиды және оның мерзімі бағыттарға байланысты анықталады.

Маусымның басында Ресей авиациялық керосин экспортына уақытша тыйым салған, мұны ішкі отын нарығын тұрақтандыру қажеттілігімен байланыстырған еді.

Ал бұл тұста Өзбектан энергетика министрлігі Ташкент пен Мәскеу арасындағы үкіметаралық келісім аясында елге авиаотын жеткізіле береді деп мәлімдеді.

Айдар

ЖАҢАЛЫҚТАР

ЖАЛПЫ АРХИВ